

REPUBLIKA E SHQIPERISE
URDHRI I FARMACISTEVE
KESHILLI KOMBETAR

Drejtuar: Z. Ilir Beqja
Minister i Shëndetësisë
dhe Kryetar i Këshillit Administrativ të FSDKSH-së
Tiranë

Znj. Milva Ekonomi
Drejtoreshë e Përgjithshme e Komanduar e FSDKSH-së
Tiranë

Lënda: Reagimi i UFSH mbi mos negocimin e Projekt-Kontratës F 2016

Në kuadër të bashkëpunimit ndërinstytucional dhe në zbatim të ligjit Nr. 9150, datë 30.10.2003 “Për Urdhrin e Farmacistëve në Republikën e Shqipërisë”, i ndryshuar, dëshirojmë të shprehim shqetësimin dhe keqardhjen mbi miratimin në mënyrë të njëanshme të Kontratës F 2016 të cilën Fondi e kamufilon si “shtojcë” por në fakt është Projekt Kontrata F 2016 të cilën Fondi na e ka dërguar zyrtarisht për dhënie mendimesh. UFSH ka kërkuar vazhdimisht dhe është plotësisht dakort që kontrata të lidhet në momentin e hyrjes në fuqi të listës së barnave por nuk mund të pranojë që edhe për disa muaj të tjerë farmacitë të pënalizohen, të diskriminohen e të nëpërkëmben nga institucioni i FSDKSH-së.

Mbështetur në traditën e përvitshme, por dhe në bisedimet e zhvilluara në takimin e datës 02 Tetor 2015 ndërmjet përfaqësuesve të FSDKSH-së dhe përfaqësues të UFSH-së lidhur me problematikat e hasura nga zbatimi i kontratës F 2015 dhe vecanërisht shtojcës së imponuar në gusht 2015, u vendos që Projekt-Kontrata F 2016 do të diskutohej paraprakisht me UFSH si përfaqësuese e interesave të farmacistëve

gjithashtu në këtë takim u vendos që Projekt-Kontrata do të dërgohej për diskutim brenda muajit Tetor 2015, në mënyrë që gjatë muajit Nëntor 2015 të zhvilloheshin negociatat dypalëshe Fond-UFSH. Projekt Kontrata na u dërgua më datë 19 Nëntor 2015 dhe UFSH-ja ia shpërndau antarësisë së saj si dhe mblodhi prej saj mendime dhe sugjerime për pika të caktuara të Projektit.

Në mungesë të caktimit nga ana e FSDKSH të një date për fillimin e negociimit të kontratës sic ishte rënë dakort, më datë 27 Nëntor 2015 UFSH iu drejtua FSDKSH-së me një shkresë ku i kërkoi që të zbatohet afati që ishte lënë bashkërisht.

Më datë 02 Dhjetor 2015, ora 08:30, FSDKSH njofton në mënyrë telefonike për zhillimin e një takimi në orën 10:00, të po kësaj dite, lidhur me diskutimet e Projekt-Kontratës F 2016. Një takim i tillë në këto kushte nga gjithëkush është i pamundur të realizohet pasi brenda një ore është i pamundur njoftimi, organizimi dhe mundësimi e pjesëmarrjes së grupit përfaqësues të UFSH-së, me përbërje nga 12 rajonet e vendit.

Gjendur para kësaj situatë, kur nga ana jonë që vlerësuar me seriozitetin maksimal angazhimi për të realizuar në më të mirën e mundshme të një kontrate të pranueshme nga të dyja palët, gjykojmë se nuk është aspak serioze kjo mënyrë komunikimi ndërmjet institucioneve të ngritura me ligj. UFSH nuk mund të jetë pjesë e farsës që FONDI dëshiron ti konsiderojë si negociata, nga njëra anë njofton në orën 8:30 për një takim në orën 10⁰⁰ për Kontratën, ndërkohë që në orën 14⁰⁰ KA i Fondit do mblidhet për të miratuar Projekt Kontratën pa marrë parasysh asnjë mendim apo vërejtje.

Ky veprim shprehu edhe njëherë qëndrimin zhvleftësues, nëpërkëmbës, shfrytëzues, denigrues që institucioni i FSDKSH-së ka shprehur në vijueshmëri dhe ndër vite kundrejt sektorit farmaceutik, e konkretizuar kjo së fundmi si me Projekt-Kontratën F 2016 si me mënyrën fyese për të përdorur “takimin” farsë me përfaqësues të UFSH-së, për ta servirur më pas atë si takim me përfaqësues të grupit të interesit.

Dëshirojmë të theksojmë se si Kontrata F 2015, Shtojcë-Kontrata F 2015 si dhe Projekt-Kontrata F 2016 nuk janë të bazuara në legjislacionin në fuqi, janë diskriminuese, penalizuese dhe mbi të gjitha kanë dëmtuar rëndë dinjitetin personalitetin dhe rolin e farmacistit.

Ju bëjmë me dije se në kapitullin ZGJIDHJA E KONFLIKTEVE, të kontratës eksistuese thuhet :

2-Asnjë nga palët nuk mund të ndryshojë kushtet e kësaj kontrate në mënyrë të njëanëshme.

3-Palët para përfundimit të afatit të kësaj kontrate mund të zgjasin afatin e saj për një kohë të pacaktuar me marrëveshje me shkrim.

4-Me marrëveshje, palët bëjnë ndryshime dhe plotësime të kësaj kontrate duke nënshkruar Shtojcë-Kontratën përkatëse.

Urdhri i Farmacistëve të Shqipërisë si ent publik, që mbron farmacistët nga abuzimet e institucioneve shtetërore dhe private, kërkon që në mbledhjen e KA që do të zhvillojë ditën e sotme (datë 02 Dhjetor 2015) të mos miratoni projekt kontratën F 2016 të kamufluar si “Shtojcë Kontrate” dhe të detyrohet FSDKSH të negociojë me UFSH për të konkluduar në një kontratë të pranueshme ku mbrohen interesat e ligjshme të të dyja palëve.

Urdhri i farmacistëve të Shqipërisë është i gatshëm për të bashkëpunuar në cdo kokë më cdo institucion për çështjet që kanë të bëjnë me sektorin farmaceutik, por në asnjë rast nuk do pranojë të nëpërkëmbet dinjiteti i profesionit të nderuar të farmacistit.

Bashkëngjitur po ju dërgojmë vërejtjet dhe mendimet tona mbi Projekt Kontratën F 2016 të cilat do ti diskutonim në takimin e munguar me FSDKSH-në.

Duke ju falenderuar për mirëkuptimin

PRESIDENTE



DIANA TOMA